



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-2519-4

Dana: 31.08.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku javne nabavke „Nabavka higijensko-potrošnog materijala za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

O D L U K U

o izboru ponuđača za nabavku higijensko-potrošnog materijala za potrebe Ministarstva unutrašnjih poslova Kantona Sarajevo

I

Na osnovu Odluke broj 01-11-4-2519 od 14.05.2020. godine, Obavještenja o nabavci broj 1364-1-1-43-3-40/20 od 10.06.2020. godine kao i Ispravke Obavještenja o nabavci broj 1364-1-1-43-8-48/20 od 04.08.2020. godine, proveden je otvoreni postupak nabavke higijensko-potrošnog materijala za potrebe Ministarstva unutrašnjih poslova Kantona Sarajevo, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora ponuđaču ""R&S" d.o.o. Sarajevo u iznosu od 100.587,96 KM bez PDV-a za dvije godine na koliko je predviđeno zaključivanje okvirnog sporazuma u predmetnom postupku nabavke.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-11-4-2519 od 14.05.2020. godine, Obavještenja o nabavci broj 1364-1-1-43-3-40/20 od 10.06.2020. godine kao i Ispravke Obavještenja o nabavci broj 1364-1-1-43-8-48/20 od 04.08.2020. godine, proveden je otvoreni postupak nabavke higijensko-potrošnog materijala za potrebe Ministarstva unutrašnjih poslova Kantona Sarajevo, uz primjenu e-aukcije.

U postupku nabavke od strane ponuđača „Lala i Laćo“ d.o.o. Bijeljina, putem advokata Grozde Đukić, dana 06.07.2020. godine, dostavljena je žalba na tendersku dokumentaciju, nakon čega je donesen Zaključak o prekidu postupka broj 01-11-4-2519-2 od 07.07.2020. godine kao i Rješenje broj 01-11-4-3433-2/20 od 10.07.2020. godine kojim se žalba djelimično usvaja.

Nakon isteka roka za žalbu na portalu javnih nabavki je objavljena Ispravka/izmjena tenderske dokumentacije i Ispravka Obavještenja o nabavci gdje je definisan novi rok za prijem i otvaranje ponuda.

Tendersku dokumentaciju preuzelo je 18 ponuđača, a Ispravke/izmjene tenderske dokumentacije I – 6 ponuđača, II – 7 ponuđača, III – 5 ponuđača, IV – 5 ponuđača, a V – 7 ponuđača, prispjele su dvije ponude, i to „Lala i Laćo“ d.o.o. Bijeljina i „R&S“ d.o.o. Sarajevo.

Komisija je utvrdila da je u postupku nabavke, od strane ponuđača, postavljeno sedam pitanja na koje je odgovoreno u predviđenom roku.

Javno otvaranje ponuda izvršeno je dana 17.08.2020. godine u 12:00 sati. Izvršena je kontrola, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđačima u zakonskom roku.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjera, računsku kontrolu te je izvršen pregled i provjera drugih dokumenata kao i dostavljenih uzoraka i konstatovano je sljedeće:

- ponuda ponuđača „R&S“ d.o.o. Sarajevo je formalno-pravno ispravna;
- ponuda ponuđača „Lala i Laćo“ d.o.o. Bijeljina nije formalno- pravno ispravna iz sljedećih razloga:
 - Potvrda za dobro izvršenje ugovora ne sadrži mjesto izvršenja ugovora što je protivno članu 48. stav (3) Zakona o javnim nabavkama BiH i
 - u dostavljenim dokumentima, Potvrda za dobro izvršenje ugovora i Spisak izvršenih ugovora, pojavljuju se dva različita privredna subjekta za jedan ugovor - ZIC Banja Vrućica Teslić i ZTC Banja Vrućica Teslić.

S obzirom da je samo jedna ponuda formalno-pravno ispravna nisu se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 68. stav (4) tačka i) i 70. Zakona o javnim nabavkama BiH („Sl. glasnik BiH“ broj 39/14), Komisija je jednoglasno dala preporuku ministru MUP-a KS da donese odluku o dodjeli ugovora za nabavku higijensko-potrošnog materijala za potrebe Ministarstva unutrašnjih poslova Kantona Sarajevo ponuđaču "R&S" d.o.o. Sarajevo u iznosu od 100.587,96 KM bez PDV-a za dvije godine na koliko je predviđeno zaključivanje okvirnog sporazuma u predmetnom postupku nabavke.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



DOSTAVITI:

1. Ponuđačima x2;
2. Upravi podrške,
3. Komisiji,
- ④ Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

